



ბრძანება:ბ14. 14261132

თარიღი:23/04/2026

**ქვეპროგრამის „ზოგიერთი მოწყვლადი კატეგორიის პირებისათვის კლიმატოთერაპიის კურსის ჩატარება“ განხორციელებასთან დაკავშირებით გასატარებელი ღონისძიებების შესახებ**

ქალაქ ბათუმის მუნიციპალიტეტის 2026 წლის ბიუჯეტით გათვალისწინებული პროგრამის „ჯანმრთელობის დაცვა“, ქვეპროგრამის „ზოგიერთი მოწყვლადი კატეგორიის პირებისათვის კლიმატოთერაპიის კურსის ჩატარება“ განხორციელების მიზნით, საქართველოს ორგანული კანონის „ადგილობრივი თვითმმართველობის კოდექსი“ 54-ე მუხლის პირველი პუნქტის „ე.ე“ ქვეპუნქტის და „ქალაქ ბათუმის მუნიციპალიტეტის 2026 წლის ბიუჯეტის დამტკიცების შესახებ“ ქალაქ ბათუმის მუნიციპალიტეტის საკრებულოს 2025 წლის 19 დეკემბრის №53 დადგენილების შესაბამისად,

**ვ ბ რ ძ ა ნ ე ბ :**

**1. დამტკიცდეს:**

ა) ქალაქ ბათუმის მუნიციპალიტეტის მერიის განცხადება - ქვეპროგრამის „ზოგიერთი მოწყვლადი კატეგორიის პირებისათვის კლიმატოთერაპიის კურსის ჩატარება“ განხორციელებაში მონაწილეობის მსურველ პირთათვის, თანახმად დანართი 1-სა;

ბ) ქვეპროგრამის „ზოგიერთი მოწყვლადი კატეგორიის პირებისათვის კლიმატოთერაპიის კურსის ჩატარება“ ფარგლებში ვაუჩერის გაცემისა და გამოყენების წესი, თანახმად დანართი 2-სა;

გ) სერვისის მიმწოდებელ ორგანიზაციასთან გასაფორმებელი ხელშეკრულების პროექტი, თანახმად დანართი 3-სა.

**2.** ქვეპროგრამის „ზოგიერთი მოწყვლადი კატეგორიის პირებისათვის კლიმატოთერაპიის კურსის ჩატარება“ ფარგლებში გასაცემ ვაუჩერზე ქალაქ ბათუმის მუნიციპალიტეტის მერის სახელით ხელმოწერის უფლებამოსილება მიენიჭოს ქალაქ ბათუმის მუნიციპალიტეტის მერიის ჯანმრთელობისა და სოციალური დაცვის სამსახურის უფროსს.

3. „ზოგიერთი მოწყვლადი კატეგორიის პირებისათვის კლიმატოთერაპიის კურსის ჩატარება“ ქვეპროგრამის ფარგლებში სერვისის მიმწოდებელ ორგანიზაციასთან გასაფორმებელ ხელშეკრულებაზე ქალაქ ბათუმის მუნიციპალიტეტის მერის სახელით ხელმოწერის უფლებამოსილება მიენიჭოს ქალაქ ბათუმის მუნიციპალიტეტის მერის ჯანმრთელობისა და სოციალური დაცვის სამსახურის უფროსს სოფიო მიქელაძეს.

4. ქალაქ ბათუმის მუნიციპალიტეტის მერიის ჯანმრთელობისა და სოციალური დაცვის სამსახურმა უზრუნველყოს „მოწყვლადი სოციალური ჯგუფის ოჯახების მხარდაჭერა“ ქვეპროგრამის ფარგლებში სერვისის მიმწოდებელ დაწესებულებასთან გაფორმებული ხელშეკრულების შენახვა და ხელშეკრულების შესაბამისი სერვისის მიმწოდებელი დაწესებულებისათვის მიწოდება.

5. წინამდებარე ბრძანება გამოქვეყნდეს ქალაქ ბათუმის მუნიციპალიტეტის მერიის ინტერნეტგვერდზე ([www.batumi.ge](http://www.batumi.ge)).

6. ბრძანება შეიძლება გასაჩივრდეს ბათუმის საქალაქო სასამართლოში (მის: ქ. ბათუმი, ზუბალაშვილის ქ. №30) მისი კანონმდებლობით დადგენილი წესით გაცნობიდან ერთი თვის ვადაში.

7. ბრძანება ძალაშია ხელმოწერისთანავე.

გიორგი ცინცაძე

ქალაქ ბათუმის მუნიციპალიტეტის მერია-მერი

გამოყენებულია კვალიფიციური  
ელექტრონული ხელმოწერა/  
ელექტრონული შტამპი



ქ. ბათუმის მუნიციპალიტეტის მერიის  
გ ა ნ ც ხ ა დ ე ბ ა

ქვეპროგრამის „ზოგიერთი მოწყვლადი კატეგორიის პირებისათვის  
კლიმატოთერაპიის კურსის ჩატარება“ განხორციელებაში მონაწილეობის  
მსურველ პირთათვის

ქალაქ ბათუმის მუნიციპალიტეტის მერია (მის: ქალაქი ბათუმი, ლუკა ასათიანის ქ. №25)  
აცნობებს ყველა დაინტერესებულ პირს:

1. შშმ პირებისა და შეძენილი შშმ სტატუსის მქონე (ომში და ომის შემდგომ) პირებისათვის მათი დაავადებიდან გამომდინარე აუცილებლობას წარმოადგენს კლიმატოთერაპიის კურსის ჩატარება, რომელიც ეხმარება მათ დაავადების დამლევასა და საზოგადოებასთან ინტეგრაციის პროცესში. აქედან გამომდინარე, ქალაქ ბათუმის მუნიციპალიტეტის 2026 წლის ბიუჯეტით, შემუშავებული იქნა ზოგიერთი მოწყვლადი კატეგორიის პირებისათვის კლიმატოთერაპიის კურსის ჩატარების ქვეპროგრამა, რომელიც ითვალისწინებს შშმ პირებისა და შეძენილი შშმ სტატუსის მქონე (ომში და ომის შემდგომ) ომის ვეტერანების, ომში დაღუპულთა ოჯახის წევრების, შშმ სტატუსის მქონე 35 წლამდე ასაკის პირების, სოციალურად დაუცველი (100 001-მდე სარეიტინგო ქულების მქონე) ხუთი და მეტი მრავალშვილიანი ოჯახების და მცირე ტიპის საოჯახო სახლის ბენეფიციარების 12 დღიანი (11 ღამე) საკურორტო მომსახურება 600 ლარის ფარგლებში.

2. ქვეპროგრამის „ზოგიერთი მოწყვლადი კატეგორიის პირებისათვის კლიმატოთერაპიის კურსის ჩატარება“ მიზანია საკურორტო მომსახურება. მიმწოდებელს უნდა გააჩნდეს სანატორიუმი/ან სასტუმრო/ან დასასვენებელი სახლი/ან აპარტამენტი. ზემოაღნიშნულს უნდა დაერთოს სასტუმროს ან სანატორიუმის ეზოს, ოთახების, სასადილო ოთახის, აბაზანის ფოტოები. მიმწოდებელმა უნდა უზრუნველყოს სამჯერადი სრულფასოვანი კვება ან კვებასთან დაკავშირებით უნდა ჰქონდეს გაფორმებული მომსახურების ხელშეკრულება ქვეკონტრაქტორთან/წერილი ფიზიკურ პირთან. ღონისძიებით განსაზღვრული მომსახურების მიწოდება ხორციელდება ვაუჩერის საშუალებით. ქვეპროგრამის მოსარგებლეს აქვს თავისუფალი არჩევანის გაკეთების შესაძლებლობა მომსახურების მიმწოდებლებს შორის, ასეთის არსებობის შემთხვევაში.

3. მომსახურების გაწევის ვადაა 2026 წლის 15 ივნისიდან 2026 წლის 15 ოქტომბრის ჩათვლით პერიოდი.

4. ქვეპროგრამის მოსარგებლეები არიან ქ. ბათუმში 2026 წლის 1 იანვრამდე რეგისტრირებული შშმ პირები და ომის ვეტერანები (ასაკით პენსიონერები, ომში და შეძენილი შშმ სტატუსის მქონე (ომში და ომის შემდგომ)), ომში დაღუპულთა ოჯახის წევრები, შშმ სტატუსის პირები (35 წლის ჩათვლით), მცირე ტიპის საოჯახო სახლის ბენეფიციარები, სოციალურად დაუცველი (100 001- მდე სარეიტინგო ქულების მქონე) მრავალშვილიანი (5 და მეტი) ოჯახის წევრები.

5. ღონისძიებაში მონაწილეობის მსურველმა დაწესებულებებმა გთხოვთ, მოგვმართოთ მისამართზე: ქალაქ ბათუმის მუნიციპალიტეტის მერია, მის: ქალაქი ბათუმი, ლუკა ასათიანის

ქ.№25.

6. დაინტერესებულმა პირებმა უნდა წარმოადგინონ შემდეგი დოკუმენტები:

ა) წერილობითი განაცხადი მომსახურების „ზოგიერთი მოწყვლადი კატეგორიის პირებისათვის კლიმატო-თერაპიის კურსის ჩატარება“ მიღების სურვილის თაობაზე;

ბ) მონაწილეობის მსურველი პირის რეკვიზიტები (მისამართი, ტელეფონის ნომერი, ფაქსი, საიდენტიფიკაციო კოდი, საბანკო რეკვიზიტები);

გ) პრეტენდენტს უნდა გააჩნდეს კარგად აღჭურვილი მატერიალურ-ტექნიკური ბაზა, ფართი ბენეფიციართა განთავსებისათვის, შესაბამისი შენობა-ნაგებობა ტერიტორიაზე (პრეტენდენტმა უნდა წარმოადგინოს საკუთრების დამადასტურებელი დოკუმენტაციის ან იჯარის შემთხვევაში საიჯარო ხელშეკრულების ასლ(ებ)ი. ინფორმაცია ტექნიკური შესაძლებლობის შესახებ მოწოდებული უნდა იქნეს ტექსტის სახით შესაბამისი ფოტოსურათების, ნახაზების და ა. შ. თანდართვით; შენობას უნდა გააჩნდეს შიდა ეზო, სამზარეულო, სველი წერტილები, ადაპტირებული გარემო საჭიროების შემთხვევაში.

შშმ პირებისა და შექმნილი შშმ სტატუსის მქონე (ომში და ომის შემდგომ) ომის ვეტერანების, ომში დაღუპულთა ოჯახის წევრების, შშმ სტატუსის მქონე 35 წლამდე ასაკის პირების, სოციალურად დაუცველი (100 001-მდე სარეიტინგო ქულების მქონე) ხუთი და მეტი მრავალშვილიანი ოჯახების და მცირე ტიპის საოჯახო სახლის ბენეფიციარების საკურორტო მომსახურების შესახებ ინფორმაცია განთავსებულია ქალაქ ბათუმის მუნიციპალიტეტის მერიის ვებ-გვერდზე: [www.batumi.ge](http://www.batumi.ge).

შესაბამისი დოკუმენტაცია შესაძლებელია გაიგზავნოს ელ.ფოსტაზე: [info@batumi.ge](mailto:info@batumi.ge).

დამატებითი ინფორმაცია დაინტერესებულ პირებს შეუძლიათ მიიღონ მისამართზე: ქალაქი ბათუმი, ორბელიანის ქუჩა №10, ქალაქ ბათუმის მუნიციპალიტეტის მერიის ჯანმრთელობისა და სოციალური დაცვის სამსახური. ტელეფონი: (0422) 24-63-02; 577 30 26 59; მარინა რუხაძე.

**„ზოგიერთი მოწყვლადი კატეგორიის პირებისათვის კლიმატოთერაპიის კურსის ჩატარება“  
ქვეპროგრამის ვაუჩერის გაცემისა და გამოყენების წესი**

ბენეფიციარი ან ბენეფიციარის წარმომადგენელი განცხადებით და თანმხლები დოკუმენტებით მიმართავს ქ. ბათუმის მუნიციპალიტეტის მერიას.

საჭირო დოკუმენტების ჩამონათვალი:

- ბენეფიციარის პირადობის მოწმობის დამადასტურებელი დოკუმენტის ასლი
- ბენეფიციარის შეზღუდული შესაძლებლობის სტატუსის დამადასტურებელი ცნობის ასლი ასეთის არსებობის შემთხვევაში
- ომის ვეტერანის დამადასტურებელი მოწმობა
- 0-100 001-მდე სარეიტინგო ქულის მქონე 5 და მეტი შვილიანი (18 წლამდე) ოჯახები გადამოწმდებიან ქალაქ ბათუმის ჯანმრთელობისა და სოციალური დაცვის სამსახურში არსებულ მრავალშვილიანი ოჯახების ბაზაში. ხოლო 100 000 ქულის ჩათვლით მრავალშვილიანი ოჯახების შემთხვევაში წარმოდგენილი უნდა იქნას: მშობლების პირადობის დამადასტურებელი დოკუმენტები, ბავშვების (18 წლამდე) დაბადების მოწმობები.

ქვეპროგრამის ბენეფიციარის მიერ წარმოდგენილი სრულყოფილი დოკუმენტაციის საფუძველზე გაიცემა ვაუჩერი. ქვეპროგრამის ბენეფიციარი დაფინანსდება ვაუჩერში მითითებული ფიქსირებული თანხით - 12 დღე (11 ღამე) 600 ლარი. შშმ პირებისა შეძენილი შშმ სტატუსის მქონე (ომში და ომის შემდგომ) ომის ვეტერანთა და შშმ სტატუსის პირთათვის განკუთვნილია ერთი თანმხლები პირი, რომელიც ასევე დაფინანსდება 12 დღე (11 ღამე) 600 ლარით.

ქვეპროგრამის მოსარგებლები არიან საქართველოს მოქალაქეები, რომლებიც რეგისტრირებული არიან 2026 წლის 1 იანვრამდე ქალაქ ბათუმში.

## ხელშეკრულება

ქ. ბათუმი

„.....“ ..... 2026 წ.

### ხელშეკრულების მხარეები

ერთის მხრივ, ქალაქის ბათუმის მუნიციპალიტეტის აღმასრულებელი ორგანო (ტექსტში შემდგომში „დამკვეთი“), წარმოდგენილი ქალაქ ბათუმის მუნიციპალიტეტის მერიის ჯანმრთელობისა და სოციალური დაცვის სამსახურის უფროსის სოფიო მიქელაძის სახით, მოქმედი ქალაქ ბათუმის მუნიციპალიტეტის მერის 2026 წლის ..... №..... ბრძანების საფუძველზე, და მეორეს მხრივ ..... (პ/№/ს/№....., ტექსტში შემდგომში - „მომსახურების გამწევი“) ვდებთ წინამდებარე ხელშეკრულებას, რომლითაც განსაზღვრულია მხარეთა უფლებები და ვალდებულებები

### 1. ხელშეკრულების სამართლებრივი საფუძვლები

ხელშეკრულების სამართლებრივ საფუძვლებს წარმოადგენს: საქართველოს ორგანული კანონი „ადგილობრივი თვითმმართველობის კოდექსი“, საქართველოს სამოქალაქო კოდექსი, ქალაქ ბათუმის მუნიციპალიტეტის საკრებულოს 2025 წლის 19 დეკემბრის №53 დადგენილებით დამტკიცებული ქალაქ ბათუმის მუნიციპალიტეტის 2026 წლის ბიუჯეტით გათვალისწინებული პროგრამა „ჯანმრთელობის დაცვა“, ქვეპროგრამა „ზოგიერთი მოწყვლადი კატეგორიის პირებისათვის კლიმატოთერაპიის კურსის ჩატარება“

### 2. ხელშეკრულების საგანი

**2.1.** წინამდებარე ხელშეკრულების საგანია დამკვეთსა და მომსახურების გამწევის შორის ამ ხელშეკრულებით გათვალისწინებული ურთიერთობის მოწესრიგება.

**2.2.** ამ ხელშეკრულების საფუძველზე მომსახურების გამწევი ახორციელებს წინამდებარე ხელშეკრულებით განსაზღვრული პირებისთვის (ბენეფიციარი) ვაუჩერის საფუძველზე საკურორტო მომსახურების გაწევას, წინამდებარე ხელშეკრულებით დადგენილი წესით.

### 3. ძირითადი დებულებები

**3.1.** მომსახურების გამწევი კისრულობს ვალდებულებას გასწიოს შშმ პირებისა და შეძენილი შშმ სტატუსის მქონე (ომში და ომის შემდგომ) ომის ვეტერანების, ომში

დადუპულთა ოჯახის წევრების, შშმ სტატუსის მქონე 35 წლამდე ასაკის პირების, სოციალურად დაუცველი (100 001-მდე სარეიტინგო ქულების მქონე) ხუთი და მეტი მრავალშვილიანი ოჯახების და მცირე ტიპის საოჯახო სახლის ბენეფიციარების 12 დღიანი (11 ღამე) საკურორტო მომსახურება.

**3.2.** მომსახურების გამწევი საკურორტო მომსახურებას ახორციელებს იმ პირებისათვის, რომლებიც ფლობენ სრულად შევსებულ ვაუჩერს.

**3.3.** მომსახურების გამწევი კისრულობას ვალდებულებას, რომ მომსახურების გაწევის განმავლობაში საკუთრებაში ექნება სანატორიუმი ან სასტუმრო ან დასასვენებელი სახლი ან აპარტამენტი ან ქვეკონტრაქტორთან უნდა ჰქონდეს გაფორმებული მომსახურების ხელშეკრულება. შენობას უნდა გააჩნდეს შიდა ეზო, სამზარეულო, სველი წერტილები, ხოლო ეტლით მოსარგებლე პირებისათვის მომსახურების გამწევს უნდა გააჩნდეს აგრეთვე ადაპტირებული გარემო. ამასთან, მომსახურების გაწევა მოიცავს სამჯერად კვებას.

**3.4.** მომსახურების გამწევი მომსახურებას ახორციელებს ქალაქ ბათუმის მუნიციპალიტეტის საკრებულოს 2025 წლის 19 დეკემბრის №53 დადგენილებით დამტკიცებული ქალაქ ბათუმის მუნიციპალიტეტის 2026 წლის ბიუჯეტით გათვალისწინებული პროგრამის „ჯანმრთელობის დაცვა“, ქვეპროგრამის „ზოგიერთი მოწყვლადი კატეგორიის პირებისათვის კლიმატოთერაპიის კურსის ჩატარება“ (შემდგომში „ქვეპროგრამა“) ფარგლებში, ქალაქ ბათუმის მუნიციპალიტეტის მერის მიერ გამოცემული ინდივიდუალურ-ადმინისტრაციული სამართლებრივი აქტით განსაზღვრული პირობებით.

#### **4. მომსახურების გაწევის ვადა და საფასური, ხელშეკრულების მოქმედება**

**4.1.** მომსახურების გამწევი ვალდებულია, ბენეფიციარის საჭიროებიდან გამომდინარე, უზრუნველყოს ამ ხელშეკრულებით გათვალისწინებული მომსახურების გაწევა 2026 წლის 15 ივნისიდან 2026 წლის 15 ოქტომბრის ჩათვლით.

**4.2.** ქვეპროგრამის ბენეფიციარი დაფინანსდება ვაუჩერში მითითებული ფიქსირებული თანხით 12 დღე (11 ღამე) - 600 ლარი.

**4.3.** შშმ სტატუსის პირთა და დაინვალიდებულ (ომში და ომის შემდგომ) ომის ვეტერანთათვის განკუთვნილია ერთი თანმხლები პირი, რომელიც ასევე დაფინანსდება - 12 დღე (11 ღამე) - 600 ლარით.

**4.4.** საფასურის ანაზღაურება განხორციელდება 4.2.-4.3. პუნქტებით დადგენილი წესით.

**4.5.** ხელშეკრულება ძალაში შედის მხარეთა ხელმოწერის დღიდან და მოქმედებს 2026 წლის 16 დეკემბრამდე.

#### **5. ხელშეკრულების შესრულების კონტროლი**

**5.1.** დამკვეთს უფლება აქვს ხელშეკრულების შესრულების ნებისმიერ ეტაპზე განახორციელოს მომსახურების გამწევის მიერ ნაკისრი ვალდებულებების შესრულების კონტროლი მომსახურების გამწევის წინასწარ ინფორმირების შემდგომ და მოახდინოს ქვეპროგრამის ფარგლებში მომსახურების გამწევის მიერ ასანაზღაურებლად მოთხოვნილი თანხის სისწორის ინსპექტირება.

**5.2.** ხელშეკრულების შესრულების კონტროლს/ინსპექტირებას და მიღება-ჩაბარების აქტზე ხელმოწერას განხორციელებს დამოუკიდებელი უფლებამოსილების მქონე პირები: ქალაქ ბათუმის მუნიციპალიტეტის მერიის ჯანმრთელობისა და სოციალური დაცვის სამსახურის პროგრამების მართვის განყოფილების უფროსი გულნაზ ბოლქვაძე-ხარაზი, ქალაქ ბათუმის მუნიციპალიტეტის მერიის ჯანმრთელობისა და სოციალური დაცვის სამსახურის ჯანმრთელობისა და სოციალური დაცვის პროგრამების მართვის განყოფილების მეორე კატეგორიის უფროსი სპეციალისტი ლელა ალექსანდროვა, ქალაქ ბათუმის მუნიციპალიტეტის მერიის ჯანმრთელობისა და სოციალური დაცვის სამსახურის ჯანმრთელობისა და სოციალური დაცვის პროგრამების მართვის განყოფილების მესამე კატეგორიის უფროსი სპეციალისტი ჯეინი ოქროპირიძე.

**5.3.** ინსპექტირების შედეგებზე დგება აქტი, რომელსაც ხელს აწერენ დამკვეთის და მომსახურების გამწევის უფლებამოსილი პირები.

## **6. შესყიდვის ობიექტის (მომსახურების) მიღება-ჩაბარების წესი**

**6.1.** შესყიდვის ობიექტი ან მისი ნაწილი (ეტაპი) ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.

**6.2.** მიღება-ჩაბარების აქტის გაფორმებისათვის დამკვეთს მომსახურების შესრულებიდან არა უმეტეს 15 (თხუთმეტი) სამუშაო დღისა უნდა წარედგინოს ანგარიშგაქტურა/ინვოისი, იმ პირთა სია ხელმოწერილი, რომლებსაც ჩაუტარდათ მომსახურება.

**6.3.** წარმოდგენილი ინფორმაციის სისწორეზე პასუხისმგებლობა ეკისრება მომსახურების გამწევს.

**6.4.** გაწეულ მომსახურებაზე მიღება-ჩაბარების აქტი უნდა გაფორმდეს ინვოისის წარმოდგენიდან 5 (ხუთი) სამუშაო დღის ვადაში.

**6.5.** შესყიდვის ობიექტის (მისი ნაწილის, ეტაპის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მომსახურების გამწევი.

## **7. ანგარიშსწორება**

**7.1.** ანგარიშსწორება განხორციელდება უნაღდო ანგარიშსწორების ფორმით მომსახურების გამწევის მიერ წარმოდგენილ საბანკო ანგარიშზე, მიღება-ჩაბარების აქტის საფუძველზე.

**7.2.** მიღება-ჩაბარების აქტის გაფორმებიდან არა უმეტეს 20 (ოცი) კალენდარული დღის განმავლობაში დამკვეთი ვალდებულია განხორციელოს შესაბამისი ანაზღაურება.

**7.3.** ანგარიშსწორება მომსახურების გამწევთან განხორციელდება წინამდებარე ხელშეკრულების პირობებით.

## **8. ხელშეკრულების პირობების შეუსრულებლობა**

**8.1.** ხელშეკრულების პირობების შეუსრულებლობის შემთხვევაში, გარდა ხელშეკრულებით გათვალისწინებული გამონაკლისებისა, მომსახურების გამწევი ჯარიმის სახით იხდის შეუსრულებელი ვალდებულების (შეუსრულებელი ღონისძიების ღირებულების) 0,1 %-ს, რომლის გადახდა უნდა მოხდეს დამკვეთის წერილობითი მოთხოვნის მიღებიდან 10 დღის განმავლობაში;

**8.2.** ხელშეკრულების მე-7 პუნქტით ნაკისრი ვალდებულებების შეუსრულებლობის შემთხვევაში დამკვეთს ეკისრება პირგასამტეხლო ყოველი გადაცილებული დღისათვის ასანაზღაურებელი თანხის 0,1 პროცენტის ოდენობით, რომლის გადახდა მოხდება მომსახურების გამწევის საბანკო ანგარიშზე გადარიცხვით (მომსახურების გამწევის წერილობითი მოთხოვნის მიღებიდან 20 დღის განმავლობაში).

**8.3.** ქვეპროგრამით განსაზღვრული პირობის (პირობების) დარღვევის შემთხვევაში, რომელიც დაფიქსირებულია სახელშეკრულებო ვალდებულებების შესრულების ინსპექტირების აქტით და დადასტურებულია ორივე მხარის მიერ ხელმოწერით, მომსახურების გამწევი დამკვეთს უხდის პირგასამტეხლოს ქვეპროგრამით განხორციელებული ღონისძიების ღირებულების 0,1%-ის ოდენობით.

**8.4.** ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის ხელშეკრულების შეწყვეტის შემთხვევაში მომსახურების გამწევის ეკისრება პირგასამტეხლო ფაქტობრივად გაწეული მომსახურების ღირებულების 3%-ის ოდენობით.

**8.5.** წინამდებარე ხელშეკრულების მე-6 მუხლის 6.2. პუნქტით დადგენილ ვადებში ანგარიშსწორებისათვის საჭირო დოკუმენტაციის წარმოუდგენლობის შემთხვევაში მომსახურების გამწევი დამკვეთს უხდის პირგასამტეხლოს თითოეული ვადაგადაცილებული დღისთვის წარმოდგენილი დოკუმენტაციით მოთხოვნილი თანხის 1-% ოდენობით.

**8.6.** მომსახურების გამწევი დამკვეთის წერილობითი მოთხოვნის საფუძველზე, ვალდებულია აღუდგინოს ხელშეკრულების პირობების დარღვევით მოთხოვნილი თანხები.

**8.7.** ჯარიმა მომსახურების გამწევის არ ათავისუფლებს ქვეპროგრამის შესრულების ინსპექტირების დროს გამოვლენილი არაკორექტულად (ზედმეტად) მოთხოვნილი თანხების მომსახურების გამწევისათვის ან/და ბენეფიციარისათვის დაბრუნებისაგან.

## **9. სხვა პირობები**

**9.1.** ხელშეკრულების მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას და ღირსებას.

**9.2.** მხარეები ვალდებული არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.

**9.3.** მხარეებს არა აქვთ უფლება გააკეთონ განცხადება მეორე მხარის მიერ ხელშეკრულების ვერ ან არ შესრულების, მისი შესრულებისას დარღვევების და ა.შ. თუ წინასწარ არ მოხდა შესაბამისი საკითხის ერთობლივი შესწავლა და შესაბამისად ფაქტების დადასტურება.

**9.4.** კონფიდენციალობის დარღვევად არ ჩაითვლება შემთხვევა, როდესაც ინფორმაციის გამჟღავნება წარმოადგენს კანონის ან კანონის საფუძველზე ხელისუფლების რომელიმე ორგანოს მიერ გამოცემული აქტის მოთხოვნას.

9.5. წინამდებარე ხელშეკრულება შედგენილია ორ ეგზემპლარად ქართულ ენაზე, რომელთაგან თითოეულს გააჩნია თანაბარი იურიდიული ძალა და ინახება მომსახურების გამწვევთან და დამკვეთთან.

9.6. წინამდებარე ხელშეკრულების ყველა ცვლილება და დამატება ძალაშია მხოლოდ იმ შემთხვევაში, თუ ისინი შეტანილია წერილობითი სახით და ხელმოწერილია ორივე მხარის სრულფუნქციონირებელი წარმომადგენლის მიერ.

9.7. მომსახურების გამწვევი ადასტურებს, რომ გაეცნო, ქალაქ ბათუმის მუნიციპალიტეტის მერის 2026 წლის \_\_\_\_\_ № \_\_\_\_\_ ბრძანებას, ეთანხმება ხელშეკრულების შინაარსს და სრული ნებაყოფლობის საფუძველზე ხელს აწერს წინამდებარე ხელშეკრულებას.

## 10. მხარეთა ხელმოწერები და რეკვიზიტები:

„დამკვეთი“

ქალაქ ბათუმის მუნიციპალიტეტის  
ადმსრულებელი ორგანო  
მის.: ქ. ბათუმი, ლუკა ასათიანის ქ.№25

-----  
ს/კ 245576826;

ბანკის დასახელება-სახელმწიფო ხაზინა ბ/კ: TRESGE22  
ანგ. №GE24NB0330100200165022

ქალაქ ბათუმის მუნიციპალიტეტის მერის  
ჯანმრთელობის და სოციალური დაცვის სამსახურის  
უფროსი სოფიო მიქელაძე

„მომსახურების გამწვევი“

-----  
-----  
-----  
-----  
-----

\_\_\_\_\_  
(ხელმოწერა, სახელი და გვარი)

\_\_\_\_\_  
(ხელმოწერა, სახელი და გვარი)